

# Myutu'ukpə Neky Di'ibə Fwank Jyaay

---

## Jesús yajkpy ja jiky'ajtən

**1** <sup>1</sup>Ja'ats miits nduknija'ayədəp pánə naty jaayəm ijtp ko kyajnumə naty ja naxwíñədu tsyonda'aky, di'ibə myooy ja jiky'ajtən nidəgekyə di'ibə jiky'ajtp. Ja'ats ədsuty tə n'ix tə nmədowdə es tə ndoñ tə nmátstəts mədədsə ngu'əjuty. <sup>2</sup>Tə yajnijáwə yə jiky'ajtən, es ədsuty tə n'ixtə di'ibə yə jiky'ajtən yajkpy, es tyam miits nduknijáwudə es ja'a də'ən ja jiky'ajtən winə xəu winə tiempə. Yə'ə naty ijtp mudə Dios Teety es tə kyəxe'eky mət ədsuty. <sup>3</sup>Pəədyəts miits ndukməmədyə'əgə'əndə di'ibəts tə n'ixy es tə nmədóyəts, es nandə'ən miits mdi'igyədyə'ədyəyt mət ədsuty es mət ja Dios Teety es mət ja 'yU'unk Jesukristə. <sup>4</sup>Də'ən nnijáyudə es udsəjtəm nxondákəm nidəgekyə ti'igyə es jotkədə'aky.

## Diosu də'ən ja Jajən

<sup>5</sup>Tyāədə də'ən ja ayuk di'ibəts ja Jesukristə xytyuk'əxpəjk es ngəjxwə'xyəts mə miidsuty ko yə Dios yə'ə də'ən ja Jajən, es mə yə'ə kyaj ti agoots'ajtən. <sup>6</sup>Pən jənə'anəm ko ti'igyə n'ijtəm mət yə Dios, es ndu'uyo'oyəm agoots, andákəm es kyaj ndu'unəm ja təy'ajtən. <sup>7</sup>Per pən tu'uyo'oyəm mə ja jajən, nmədəjtəm ja ti'igyə'át nixim niyam esə 'yU'unk Jesukristə ñe'pyñ xyajwátsum mət təgekyə nbojpu'ajtəm.

<sup>8</sup>Pən njənə'anəm ko kyaj nbojpu'ə'əy'ajtəm, naywyin'ə'ənəm kə'əm es ni ti təy'ajtən ngamədəjtəm. <sup>9</sup>Per pən mayəjtəm ko nbekytyu'unəm, Dios di'ibə tyiimpy ja təy'ajtən, xpyojpəmə'xə'anəm es xyajwátsum təgekyə nbojpu'ajtəm. <sup>10</sup>Per pən jənə'anəm ko ngapekytyu'unəm, mət yə'ə ngakupəjkəm ja Diosu 'yayuk es ndíjəm ko andəkp ja Dios ko jyənə'añ: “Yə jə'əyətə pojpu'tuundəbə təgekyə.”

## Kristu ədsəjtəm xyñikəjtútəm

**2** <sup>1</sup>Nitítəty, tyáməts miits nnijáyudə kədiibə mbekytyúndət. Per pən jəə pán pyekytyúñ, nmədəjtəm tu'uk di'ibə xyñikəjtútəm Dios windum. Yə'ə də'ən ja Jesukristə di'ibə tyiimpy ja təy'ajtən. <sup>2</sup>Pes yə'ə kə'əm naydyukwindsə'kə kruuzkəjxy es də'ən tkumədooy ja nbojpu'ajtəm. Es kyaj 'yudsəjtəməty je'eyə, nandə'ən tkumədooy nidəgekyə ja naxwíñədu jə'əyədyə pyojpə.

<sup>3</sup>¿Wi'ix mbaat nmudajtam tų'ajtun ko n'ixy'ajtam ja Dios? Pes mada tyadu ko nguydu'unam ja 'yana'amun. <sup>4</sup>Mut ko di'ibu janaamp: “Uj n'ixy'ajtypyuts ja Dios”, es kyaj tkuyduin ja Diosu 'yana'amun, tyadu ja'ay andakp es ni ti tų'ajtun tkamudaty. <sup>5</sup>Per ja ja'ay di'ibu kyuydiimpy ja Diosu 'yana'amun, kexy ka'pxy tmudaty ja Diosu tsojkan, es du'un nnija'am ko ti'igyu n'ijtam mada Dios. <sup>6</sup>Mut ko pan njuna'anum ko nbanajxum ja Jesukristu, xpyatam es njiky'ajtam extamu Jesukristu jyiky'ajty.

### Jembyu ana'amun

<sup>7</sup>Magu'ugituty, kyajts miits nduknijayudu ana'amunu jembyu. Di'ibu nduknija'ayudap, ja'ayum mmudajtap di'ibu jawyinu mya'anmaaydu. Tyadu jeky ana'amun, ja'ayum ja ayuk di'ibu tu xymudowdu. <sup>8</sup>Oyu du'un, tyadu di'ibu nduknija'ayudap, yu'u tu'ugu jembyu ana'amun, es ya'ixap ko tų'ajtunu'u ma Kristu es nandu'un ma miidsaty, mut ko najxp ja kugoots'at es jaj tu'xnup ja tų'ajtun.

<sup>9</sup>Di'ibu janaamp ko 'yity ma ja jajun es kyaj tteky ja myugu'uk, taadu ijtpam kugoots. <sup>10</sup>Di'ibu tsyejpy ja myugu'uk, jiky'ajtp ma ja jajun, es ni ti kyayajpekykya'ayuty. <sup>11</sup>Per di'ibu myudsip'ajtypy ja myugu'uk, jiky'ajtp es jyudity ma wyingoodsaty, es kyaj tnijawu ma nejxy, mut ko ja koots'at tu yajjambityuty wiints.

<sup>12</sup>Nitituty, nnijayudats miidsaty mut ko Dios tu tme'xy ja mbojputy mut yu'uguyxmu Jesukristu. <sup>13</sup>U'unkteedyuty, nnijayudats miits mut ko tu xy'ixy'attu Jesukristu di'ibu taayum ko naxwinudu tsyondaky. Una'kuty, nnijayudats miits mut ko tu xymumada'aktu ja majku'ugopk.

Nitituty, nnijayudats miidsaty mut ko tu xy'ixy'attu Dios.

<sup>14</sup>U'unkteedyuty, nnijayudats miits mut ko tu xy'ixy'attu Jesukristu di'ibu taayum ko naxwinudu tsyondaky. Una'kuty, nnijayudats miits mut ko yajxon tu xa'axajudu ja Diosu 'yayuk mut winu mnot. Paaty xymudattu mak'ajtan es tu xymumada'aktu ja majku'ugopk.

<sup>15</sup>Katu xytsyoktu ja naxwinudu winma'an, mut ko yu ja'ay di'ibu tsojktup ja naxwinudu winma'an, kyaj tsoktu ja Dios Teety. <sup>16</sup>Mut ko tugekyu di'ibu jaa'ajtp naxwiin, ko ja'ay t'uxta'aydu di'ibu nini'x kubajk tsyejpy, ko t'adsoktu ko tii t'ixtu es ko myuj pyadudu ko tii tmadat tjaygyapta, tugekyu tyadu winma'an esu du'ambu jiky'ajtan jaa myiin ma yu naxwinudu, es kyaj myiin ma Dios. <sup>17</sup>Peru Dios yajkutugoyaampy ja naxwinudu winma'an mut tugekyu di'ibu ja'ay adsojktup naxwinudu winma'anguyjm, per ja ja'ay di'ibu kyuydiimpy ja Diosu tsojkan, jiky'ajtp winu xuu winu tiempu.

### Tų'ajtun esu andakun

<sup>18</sup>Nitituty, tu jya'ty ma tyam tu'uk oknum ja oor. Tu xymudowdu ko myina'an di'ibu myudsip'ajtypy ja Kristu. Pes nugoo 'yokmay'ajnu di'ibu myudsip'ajttup ja Kristu. Paadyuts nnijawu ko tu net jya'ty ja tiempu di'ibu tim ok. <sup>19</sup>Tamu ja'ay di'ibu pudsuumdu ma udsaty, per kyaj yu'u t'axajudu Kristu extamu Yajnutsokpu. Mut kots xynikaktu, paaty ya'ixy ko kyaj t'axajudu Kristu es nan kyaj yu'adyu nmumabajkpu'ajtam.

<sup>20</sup>Per miidsuty kyaj mdu'un'áttu, mut ko Kristu mmooyudu ja Espiritu Santu es miidsuty nidugekyu mnija'adup ja tui'ajtun. <sup>21</sup>Nnijáyudats miits mut ko yajxón xñijáwudu ja tui'ajtun, kyaj nnijáyudu éxtam di'ibu kyaj tnijawu. Miidsuty yajxón xñijáwudu ko ma yu tui'ajtun, kyaj myiñ ja andakun.

<sup>22</sup>Yu'u du'un andakp di'ibu junaamp ko yu Jesús kyaj yu'udyu Kristu. Esu taadu yu'u du'un di'ibu myúdsip'ajtypy ja Kristu, pes 'yuxtijpy ja Dios Teety es ja 'yU'unk. <sup>23</sup>Es di'ibu 'yuxtijpy ja Diosu 'yU'unk, nan kyaj 'yity ti'igyu maat ja Dios Teety. Per pún 'yaxájup ja Diosu 'yU'unk, nan ijtp ti'igyu mut ja Dios Teety.

<sup>24</sup>Miidsuty, pes jiky'attu éxtamu Jesukristu 'yuxpajkun di'ibu m'axájudu extu jawyíñup. Es ko du'un xtyyúnut, m'íttup ti'igyu mut ja Dios Teety es mut ja 'yU'unk. <sup>25</sup>Es tyaadu du'un di'ibu Jesukristu tu xtyyukwandákum, ja jiky'ajttun winu xuu winu tiempu.

<sup>26</sup>Tats miits nnijáyudu es mnaygywentu'átudut mudu tadu di'ibuty mwin'uunánudup. <sup>27</sup>Per miidsuty kyaj mdugoy'ajtxudu pún mduk'uxpákudup, ja'a ko Jesukristu tu mmo'oyudu yu Espiritu Santu, es yu'u mduk'uxpákudup tugekyu. Es yu'u du'un ja tui'ajtun es kyaj tmudaty ja andakun. Paaty ittu ti'igyu mut ja Kristu, éxtam yu Espiritu Santu tu mya'uxpákudu.

<sup>28</sup>Pes tyamu net nitítuty, ittu ti'igyu mut ja Kristu es mnayjotmukmo'oyudut ko yu'u kyuxu'ugut jatugok, es kyaj xymyúdsodyúndut ko myínut. <sup>29</sup>Mnija'adup miidsuty ko Jesukristu tyiimpy ja tui'ajtun. Pes nijáwudu nandu'un ko di'ibu tyuundup ja tui'ajtun, yu'u du'un u'unk'ajttup ja Dios.

### Diosu 'yu'unguty

**3** <sup>1</sup>Jaygyúkudu éxtam ja Dios Teety xyjantsysojku es xy'u'unkniwa'anum. Es tui'ajtanu'u xy'u'unk'ajtam. Paaty kyaj xy'ixy'ajtam pánudyu naxwíñudu winma'añ ja'a'ajtudup, ja'a ko kyaj t'ixy'attu ja Dios.

<sup>2</sup>Mugu'ugítuty, udsajtam xy'u'unk'ajtam ja Dios. Es kyajnum xtyyuk'ijxum wi'ix n'ak'ijtam, per ko Jesukristu kyuxu'ugut, du'un n'ijtam éxtam ja Kristu, mut ko n'ixa'anum wi'ixu du'un yu'u. <sup>3</sup>Es nidugekyu di'ibu du'un 'yaxájudup ja Kristu éxtamu Yajnutsókpu, yu'ujuty nayyajwátsup ku'am éxtamu Jesukristu wyá'adsuty.

<sup>4</sup>Per di'ibu pekytyuump myúdgeepy ja Diosu 'yana'amun. Yu'u ja peky ko kyaju Dios ja 'yana'amun yajpadúñ. <sup>5</sup>Es mnija'adup ko Jesukristu myiñ ya naxwiñ yajpojpanitugeebyu, es kyaj yu'u tmudaty ni ti peky. <sup>6</sup>Es nidugekyu di'ibu ijttup ti'igyu mut yu'u, kyaj jyudity mut ja pojpu. Per nidugekyu di'ibu pekytyuundup, kyaj t'ixy'aty ja Kristu, es nan kyaj yu'u jya'a'átyuty. <sup>7</sup>Nitítuty, éxkam mwin'uunudu pún. Púnu Kristu ja'a'ajttup, ja'a tyiimpy ja tui'ajtun éxtam ja Kristu ku'am. <sup>8</sup>Per di'ibu pekytyuump, yu'u ja'a'ajttup ja mujku'ugópk, ja'a ko yu mujku'ugópk pyekytyiimpy jawyíñup extu tyambaat. Yu Diosu 'yU'unk tu myiñ naxwiñ es dyajkutugoya'añ di'ibu ja mujku'ugópk tyiimpy.

<sup>9</sup>Ni tu'uk udsajtam di'ibu Dios xy'u'unk'ajtam njiky'ajtam éxtumá pojprá tuumbá, mut ko nmudajtam ja jiky'ajtam di'ibu Dios tu xymyo'oyam es kyaj mbaat ni'igu ndu'unam ja pojprá, mut ko xy'u'unk'ajtam ja Dios. <sup>10</sup>Es madu tyaadu niguxe'eky pánudyu Dios u'unk'ajttap es pánaty ja mäjku'ugópk u'unk'ajttap. Mut ko di'ibu jiky'ajtp axuuk es kyaj ttseky ja myugu'uk, kyaj jya'a'átyaty ja Dios.

### Naydsyojkum nixim niyam

<sup>11</sup>Pes di'ibu Jesukristu xytyuk'ana'amam extu jawyíñup, tyaadu du'un ko nnyaydsyojkum nixim niyam, <sup>12</sup>es kyaj ndu'unum éxtum ja Kaín di'ibu ja'a'ajtap ja mäjku'ugópk es dya'e'ky ja myuga'ax Abel. ¿Es ti ko dya'e'ky? Mut ko Abel jyiky'aty tų'ajtam muut es ja Kaín kyaj.

<sup>13</sup>Mągu'ugítaty, katu du'uñu mwu'amudu pun mduk'ak'ajttudap pánudyu naxwíñudu winma'añ ja'a'ajttudap. <sup>14</sup>Mut ko ndsojkum ja nmągu'uk'ajtam, nniija'am ko yu Dios tu xyajjugákum ma yu o'kun es tu xyajmi'inam ma yu jiky'ajtam. Di'ibu kyaj ttseky yu myugu'uk, wu'amp yu'u ma ja o'kun. <sup>15</sup>Di'ibu kyaj ttseky ja myugu'uk, yu'u du'un yajja'ay'o'kpu. Es miits nniija'adap ko ja yajja'ay'o'kpu kyaj tmudaty ja jiky'ajtam winu xuu winu tiempu. <sup>16</sup>Nniija'am di'ibu dan tsojkun'ajtp, mut ko Jesukristu dya'ijxu ko jyiky'ajtam dyajky mut udsajtamgyujxm. Es du'un xypyátum udsajtam es nyajkum ja njiky'ajtam'ajtam mut ja'agyujxm ja nmągu'uk'ajtam. <sup>17</sup>Pun ja pún tmudaty tjaygyepy di'ibu ndukjiky'ajtam, es t'ixy ja myugu'uk tyągyo'ajtxuty, es kyaj tpa'ayoy, ¿wi'ix mbaat tmudaty ja Diosu tsojkuun?

### Amumdu'uk jot naybyujtákuu ma Dios

<sup>18</sup>Nitítaty, kyaj nnyaydsyojkum je'eyu wingu'uy agu'uy, naydsyojkum éxtum mbaat ya'ixy di'ibu ndu'unum mut ja tų'ajtam. <sup>19</sup>Du'un nniija'am ko xyja'a'ajtam ja Dios es n'ijtam jotkujk Dios windum <sup>20</sup>ko nbekyjya'am, Dios ni'igu myújuty es kudiinum udsajtamú njot'ajt nwinma'añ'ajtam, ñija'ap yu'u tųgekyu. <sup>21</sup>Mągu'ugítaty, pun kyaj ti nbekyjya'am, nwinguwa'kum jotkujk ja Dios, <sup>22</sup>es yu'u xymyo'oyam di'ibu udsajtam n'amdo'om, mut ko nguydu'unam ja 'yana'amun es ndu'unam di'ibu yu'u tsyejpy. <sup>23</sup>Es ja Dios tni'ana'am es nmubajkum ja 'yU'unk Jesukristu es nnyaydsyojkum nixim niyam, éxtum ja Kristu xytyuk'ana'amam. <sup>24</sup>Pun nguydu'unam ja Diosu 'yana'amun, jiky'ajtam mut yu'u, es yu'u jyiky'aty mut udsajtam. Nniija'am ko yu'u jyiky'aty ma udsajtam, mut ko tu xymyo'oyam ja Espírítu Santu.

### Espírítu Santu esu ka'oybyu

**4** <sup>1</sup>Mągu'ugítaty, jaa may ja ja'ay di'ibu nayñigajxudap ko yu'u ya'axpuktu es ko xytyuknimi'inam ja Diosu 'yayuk. Katu miits xymyubuktu, ja'a ko taa may di'ibu andáktap, je'eyu xywyin'uuñá'anam. Ixtu yajxónu tadu 'yuxpukun es net xymyubúktut pun tų'ajtam ko yu'u Dios tja'a'áty.

<sup>2</sup>Du'un xyñijáwudut ko yu'u Diosu Jya'ajun tja'a'áty: nidųgekyu pánaty junándup ko yu Jesús yu'udyu du'un ja Kristu, Diosu 'yU'unk di'ibu miin ya naxwiñ éxtumú naxwíñudu ja'ay, ja'a myudajttap ja Diosu Jya'ajun.

<sup>3</sup>Ja di'ibu junaamp ko Kristu kyaj du'un oj myiin, kyaj ja Espiritu Santu tmudaty, ja'a taadu myudsip'ajtypy ja Kristu. Es tu xymyudowdu miidsuty ko myina'añ di'ibu myudsip'ajtypy ja Kristu. Pes ta net ya naxwiiñ.

<sup>4</sup>Nitituty, miidsuty Dios mja'a'ajtudap. Tu xymyudowdu'aktu tadu andakputy, mut ko ya Espiritu Santu di'ibu miidsuty maat m'ittu, ni'igu ya'u myujuty es kudiinamu ka'oybyu di'ibu ja ya naxwiiñ. <sup>5</sup>Tadu andakpu ya'u ja'a'ajtudap ja naxwiñudu winma'añ, paaty tkajxwa'xtu ja naxwiñudu winma'añ, es myudoo'ijtudap ja ja'ay di'ibu naxwiñudu winma'añ ja'a'ajtudap. <sup>6</sup>Per udsajtam Dios xyja'a'ajtam. Di'ibu Dios 'yijxy'ajtypy, myudoo'ijtypy ja ayuk di'ibu ngajxwa'xum. Per di'ibu kyaj Dios jya'a'átyuty, kyaj xymyudoo'ijtam. Es du'un mbaat n'axkajpum pán myudajtypy ja Espiritu Santu di'ibu tuj'ajtan yajkypy, es pán myudajtypy ja ka'oybyu di'ibu win'u'amp.

### Dios ya'u du'un ja tsojkun

<sup>7</sup>Mugu'ugítuty, n'oknaydsyojkum nixim niyam, mut ko ya tadu tsojkun myiin ma Dios. Nidugekyu di'ibu myudajttap ja tsojkun, ya'u Dios u'unk'ajtudap, es 'yixy'ajttap ja Dios. <sup>8</sup>Di'ibu kyaj tmudaty ja tsojkun, kyaj ya'ujuty t'ixy'attu Dios, mut ko Dios ya'u du'un ja tsojkun. <sup>9</sup>Dios xytyuk'ijxum ja tsojkun udsajtam ko tkejxy ja tyu'uk U'unk ya naxwiiñ es nmudajtam ja njiky'ajtan'ajtam mut ya'ugyaxmu 'yU'unk. <sup>10</sup>Kyaj 'yudsajtamuty jawyiin ndsojkum ja Dios, jawyiin'ajtp ya'u oj xytsyojkum es xytyuk'ijxum mut ko xytyuknigajxum ja 'yU'unk es xyajpojpanitugo'oyum.

<sup>11</sup>Mugu'ugítuty, mut ko du'un ja Dios tu xytsyojkum, nandu'un nnydsyojkum nixim niyam. <sup>12</sup>Ni na'a pánu Dios tka'ixy. Per pán nnydsyojkum nixim niyam, Dios ijtp ma udsajtam es nmudajtam ja tsojkun. <sup>13</sup>Es mut ko Dios tu xymyo'oyum ya Espiritu Santu, tu xytyuk'ijxum ko ya'u 'yity mut udsajtam, es udsajtam n'ijtam mut ya'u. <sup>14</sup>Es tuts n'ixyuts ku'am es ngajxte'xyuts ko Dios Teety tkejxy ja 'yU'unk ya naxwiiñ éxtamu Yajnitsókrp. <sup>15</sup>Oytyim pánuty di'ibu 'yijxkajpy ko Jesús ya'u Dios 'yU'unk'átyuty, jiky'ajtp mut ja Dios es ja Dios jyiky'aty mut ya'u.

<sup>16</sup>Es du'un nnija'am es nmubajkam ko Dios xytsyojkum. Dios ya'u du'un ja tsojkun, es pán nnydsyojkum nixim niyam, Dios jiky'ajtp mut udsajtam, es udsajtam njiky'ajtam mut ja Dios. <sup>17</sup>Es ko njiky'ajtam mut ja Dios, muj máyup es kexy ka'pxy 'yítut ja ndsojkun'ajtam es ndukmu'awdajtam ko Dios xypyayo'oyum, ja'a ko n'ijtam ya naxwiiñ éxtamu Kristu. <sup>18</sup>Ma jyámuty ja tsojkun, kyaj jyámuty ja tsu'kun. Di'ibu myudajtypy kexy ka'pxy ja tsojkun, yajkekypy ja tsu'ugu. Ja'a ko pán ndsu'kam tii, njujtsu'kam ko xytyukkumadowa'anam di'ibu tu ndu'undugo'oyum. Ko ti ndsu'kam, kyaj kexy ka'pxy nmudajtam ja tsojkun.

<sup>19</sup>Dios jawyiin xytsyojkum udsajtam. Paaty udsajtam ndsojkum ja Dios. <sup>20</sup>Pán ja pán jyuna'añ: "Uj ndsejpyuts ja Dios", es kyaj ttseky ja myugu'uk, andakpu taada. Pán di'ibu kyaj ttseky ja myugu'uk di'ibu yaa 'yijxypy, nan kyaj mbaat ttseky ja Dios di'ibu kyaj t'ixy. <sup>21</sup>Mut ko Dios tu xytyuk'ana'amum ko di'ibu tsyejpy ja Dios, nandu'un ttsókat ja myugu'uk.

### Wi'ix ja ka'oybyu nmumadákum

**5** <sup>1</sup>Nidugekyu di'ibu 'yaxájup ja Jesús éxtamu Kristu, ya'u du'un ja Dios u'unk'ajtudap. Ja ja'ay di'ibu tsyejpy tu'ugu u'unkteety, nandu'un

ttseky yu u'unkteedyu 'yu'ungaty. <sup>2</sup>Ko ndsojkum ja Dios es nguydyu'unum ja 'yana'amun, ndsojkum naty nandun 'yu'ungaty. <sup>3</sup>Es ko ndsojkum ja Dios, nguydyu'unum naty yu 'yana'amun. Es kom xy'u'unk'ajtam ja Dios es ndsojkum, kyaj muk nja'am es nguydyu'unum di'ibu yu'x xytyuk'ana'amum, <sup>4</sup>mut ko nidugekyu udsajtam di'ibu xy'u'unk'ajtam ja Dios, nmamadakum es kyaj ndu'unum ja naxwĩñudu winma'añ. Nmamadakum mut ko nmubajkam ko ja Jesús yu'x Kristu, Diosu 'yU'unk. <sup>5</sup>Panaty myubajktap ko Jesús yu'x Diosu 'yU'unk, myumadaktap es kyaj ttundut ja naxwĩñudu winma'añ.

### Jesús yajngajxy ko Dios 'yu'unk'átyuty

<sup>6</sup>Ko Jesús myiñ ya naxwiñ, oj ya'ijxwe'emy mut ja nuu es ja ne'pyñ, kyaj jye'eyuty ja nuu, ja'a mut ja nuu es ja ne'pyñ. Es ja Espiritu Santu kum dyajtuydyaku, es ni na'a kya'anda'aky. <sup>7</sup>Tugauk jyam'aty tsajpótm di'ibu yajtuydyukubu tyadu: ja Dios Teety, ja Diosu 'yU'unk esu Espiritu Santu. Es ti'igyu ja tuj'ajtan di'ibu yajktap. <sup>8</sup>Es tugauk jya'áty naxwiñ di'ibu yajtuydyukubu tyadu: ja Espiritu Santu, ja nuu es ja ne'pyñ. Es ti'igyu ja tuj'ajtan di'ibu yajktap. <sup>9</sup>Nmubajkam ko tnika'xpátta ja'ayuty. Per yu Diosu ñikajxpajtan kanak nipat 'yóyuty. Yu Dios tu jyuna'añ ko Jesús yu'x 'yU'unk'ajtypy. <sup>10</sup>Di'ibu myubejkyu ja Diosu 'yU'unk, myudajtypy jyodoty wyinma'añoty di'ibu ñikajxpejtypy ko tyuj'ajtanaty. Per di'ibu kyaj tmubeky ja Dios, du'un t'ixy éxtum 'yanda'aky ja Dios, mut ko kyaj tmubeky ja Diosu ñikajxpajtan ko jyajunáñ: “Jesús uj n'U'unk'ajtypy.” <sup>11</sup>Tyadu nikajxpajtan yu'x du'un: ja Dios tu xymyo'oyum ja jiky'ajtan winu xuu winu tiempu, esu tyadu jiky'ajtan 'yity mut ja 'yU'unkkyujxm. <sup>12</sup>Di'ibu 'yaxájup ja Jesús éxtum ja Diosu 'yU'unk, myudajtypy tyadu jiky'ajtan. Per di'ibu kyaj t'axaju Jesús éxtum ja Diosu 'yU'unk, kyaj tmudaty tyadu jiky'ajtan.

### Kajxwijn esu kajxpo'xun

<sup>13</sup>Nnija'ayudupts miits di'ibu myubajktap ja Diosu 'yU'unk, es xyñjávudut ko xymyudattu ja jiky'ajtan winu xuu winu tiempu.

<sup>14</sup>Kyaj ndsu'k nja'am ko n'amdo'om tii ja Dios, mut ko nnija'am ko ti n'amdo'om di'ibu ijtp ti'igyu di'ibu yu'x tseyjpy, yu'x xymyudo'om. <sup>15</sup>Es mut yu'x yu'x ko xymyudo'om, nnija'am ko xymyo'oyumu naty di'ibu n'amdo'om.

<sup>16</sup>Pun 'yijxypy ko tu'ugu myagu'uk ttuñ ja peky di'ibu kyaj myunejxyuty ma ja o'kun, wa'an tkajxta'aky ma Dios kadiibu 'yoogut. Ja'a ko taa yu peky di'ibu munjxp ma ja o'kun, es mudu tyadu peky kyajts njuna'añ es kyajxta'agut yu'ugyujxm. <sup>17</sup>Tugekyu axuukpu yu'x dun peky. Es taa yu peky di'ibu kyaj myunejxy ma ja o'kun.

<sup>18</sup>Nnija'am ko di'ibu myudajtypy ja Dios éxtumu Tyeety, kyaj pyekytuun'adu'utsy, mut ko Diosu 'yU'unk tkwentu'aty di'ibu Dios jya'a'ajtypy, es kyaj ja majku'ugópk wi'ix tyúñaty.

<sup>19</sup>Nnija'am udsajtam ko Dios xyja'a'ajtam esu majku'ugópk yu'x ja'a'ajtudup tugekyu di'ibátyu naxwĩñudu winma'añ ja'a'ajtudup.

<sup>20</sup>Es nnija'am nandun ko ja Diosu 'yU'unk tu myiñ es tu xymyo'oyum yu nwinma'añ'ajtam es n'ixy'ajtam ja Dios. N'ijtam ti'igyu mut ja Dios

es mut ja 'yU'unk Jesukristu. Tyuy'ajtunaty ko yu'adyu Dios, es yu'u  
du'un yajky py ja jiky'ajtun winu xuu winu tiempu. <sup>21</sup>Nitítuty, éxkam ko  
xywyindsu'ugudut di'ibu kyaj Dyios'aty.